

REPUBLIKA E KOSOVËS - REPUBLIKA E KOSOVA - REPUBLIC OF KOSOVO	
MINISTRIA E INFRASTRUKTURËS MINISTARSTVO INFRASTRUKTURE MINISTRY OF INFRASTRUCTURE	
Nr. Org. Org. Unit	02
Nr. I Prot. Prot. No.	2396
Nr. I Faqje No. Pages	5
Data Date	08.03.19
PRISHTINE/A	



Republika e Kosovës
Republika Kosova - Republic of Kosovo
Qeveria - Vlada - Government
Ministria Infrastrukturës dhe Transportit
Ministarstvo Infrastrukture i Transporta
Ministry of Infrastructure and Transport

Prishtinë, 08.03.2019

Në bazë të neneve 4, 21, 22 të Ligjit nr. 03/L-189 për Administratën Shtetërore të Republikës së Kosovës (Gazeta Zyrtare nr 82, 21 tetor 2010), si dhe në bazë të nenit 8 paragrafi 1.4 dhe Shtojcës 17 të Rregullores nr. 02/2011 për Fushat e Përgjegjesisë Administrative të Zyrës së Kryeministrit dhe Ministrive e ndryshuar dhe plotësuar me Rregulloret nr.14/2017, Nr.15/2017, Nr.16/2017, Nr.07/2018, Nr. 22/2018, Nr. 26/2018 dhe Nr. 30/2018, nenit 25 të Ligjit për Vetëqeverisjen Lokale, si dhe Ligjit Nr.06/L-133 mbi Ndarjet Buxhetore Për Buxhetin e Republikës së Kosovës Për Vitin 2019, lidhet ky:

**MEMORANDUM I MIRËKËPTIMIT PËR FINANCIMIN E PROJEKTEVE
INFRASTRUKTURE NË KOMUNËN E SUHAREKËS**

Neni 1
Palët Nënshkruese

1. **MINISTRIA E INFRASTRUKTURËS DHE TRANSPORTIT**, e përfaqësuar nga Ministri i Infrastrukturës dhe Transportit, (në tekstin e mëtejme MIT),

dhe

2. **KOMUNA E SUHAREKËS**, e përfaqësuar nga Kryetari i Komunës, (në tekstin e mëtejme Komuna).

Neni 2
Qëllimi

Qëllimi i këtij Memorandumi është financimi i projekteve infrastrukturore të cekura më poshtë si dhe përcaktimi i obligimeve të MIT-së dhe Komunës për realizimin e projekteve:

1. **Asfaltimi i rrugës lokale nga kryqëzimi i rrugës Nacionale N25 – Grejkoc - rrafshi i livadheve**, kodi i projektit nr. 18263, në vlerë prej **348,000€**. Ndarjet buxhetore për vitin 2019 janë 148,658€, ndërsa për vitin 2020 mjetet buxhetore të parashikuara janë **200,000€**;
2. **Ndërtimi i unazës - krahu i djathtë - Suharekë (L - 4590 M)**, kodi i projektit nr. 18170, në vlerë prej **1,200,000€**. Ndarjet buxhetore për vitin 2019 janë 200,000€, ndërsa për dy vitet në vijim mjetet buxhetore të parashikuara janë **1,000,000€**;
3. **Asfaltimi i rrugës që lidhë fshatin Ngucat (Rruga Bashkim Gashi) - (Lagja Zekolli), Suharekë**, kodi i projektit nr. 18434, në vlerë prej **700,000€**. Ndarjet buxhetore për vitin 2019 janë 200,000€, ndërsa për dy vitet në vijim mjetet buxhetore të parashikuara janë **500,000€**;
4. **Ndërtimi i rrugës Ngucat - Javorë**, kodi i projektit nr. 18435, në vlerë prej **292,540€**. Ndarjet buxhetore për vitin 2019 janë **292,540€**;
5. **Ndërtimi i rrugës Nishor - Kërvasari, Suharekë**, kodi i projektit nr. 18436, në vlerë prej **222,169€**. Ndarjet buxhetore për vitin 2019 janë **222,169€**;

Neni 3 Obligimet e MIT-së

1. MIT-ja i siguron mjetet për projektet nga paragrafi 2 i këtij Memorandumi dhe nga një kopje i dërgon Komunës.
2. Pagesat për financim të projekteve nga MIT-ja do të bëhen në pajtim me realizimin e punimeve/furnizimeve sipas kushteve të kontratës. Pagesat bëhen nga MIT-ja deri në vlerën e financimit.
3. MIT-ja cakton një zyrtar për mbikqyrjen e realizimit të projekteve nga fillimi deri në përfundim të kontratës. MIT-ja me vendim do të caktoj detyrat, përgjegjësitë dhe autorizimet e zyrtarit për mbikëqyrje.

Neni 4 Obligimet e Komunës

1. Komuna siguron deklaratën e disponueshmërisë së mjeteve në tërësinë e vlerës së projektit dhe një kopje e dërgon në MIT.
2. Komuna obligohet t'i krijojë kushtet e nevojshme për realizimin e projekteve për operatorët ekonomik, të ndërmarrë te gjitha masat që kontraktuesi pa pengesë të fillojë në implementimin e projekteve me kohë si dhe të sigurojë specifikacionet teknike.

3. Komuna obligohet që projektet ti zhvillojë në pajtim me Ligjin mbi Prokurimin Publik dhe Ligjin për Menaxhimin e Financave Publike dhe Përgjegjësi si dhe aktet nënligjore për zbatimin e këtyre ligjeve.

4. Komuna e kryen procesin e tenderimit dhe cakton komisionin për hapjen e ofertave dhe vlerësim të tenderit, në të cilat komisione një anëtar duhet të jetë nga ana e MIT-së.

5. Komuna emëron Projekt Menaxherin/organin mbikëqyrës për realizimin e projekteve, si dhe komisionin për inspektimin final të punimeve/pranimin teknik, në të cilin komision duhet të jetë një anëtar nga MIT-ja.

6. Projekt Menaxheri/organi mbikëqyrës me përgjegjësi të plotë vërteton sasinë dhe kualitetin e punëve/furnizimeve të kryera në bazë të të cilave operatori ekonomik lëshon dokumentin financiar me kërkesë për pagesën e punëve/furnizimeve të kryera në bazë të kushteve të kontratës.

7. Komuna obligohet që të njofton MIT-në për çdo propozim ndryshim eventual të sasisë dhe kualitetit gjatë implementimit të projekteve dhe për këtë të kërkojë pëlqimin nga MIT-ja.

7.1. Komuna obligohet që në vend punishte të vendosë tabelën informuese (Pano) me shënimet për projektin, investitorët dhe operatorin ekonomik.

8. Komuna obligohet që për të realizuar pagesat për punët/furnizimet e kryera në nivel të financimit nga MIT-ja të kompletojë këto dokumente:

8.1. Procesverbalin e hapjes së tenderit dhe raportin e vlerësimit të tenderit (si dhe në rastet e korigjimit të çmimeve të dorëzohen dokumentet e korigjuara);

8.2. Kopjen e Kontratës të nënshkruar me operatorin ekonomik, së bashku me ofertën financiare, të vërtetuara në bazë të origjinalit nga menaxheri i prokurimit të Komunës;

8.3. Vendimi mbi emërimin e Projekt Menaxherit/organit mbikëqyrës dhe komisionin e pranimin nga ana e Komunës;

8.4. Raportin e projekt menaxherit/organit mbikëqyrës/komisionit të pranimin mbi punët/furnizimet e kryera dhe të aprovuara (situacionet e aprovuara);

8.5. Faturën origjinale nga operatori ekonomik deri në lartësinë e shumës së financuar nga MIT-ja dhe

8.6. Kopjen e certifikatës së biznesit, llogarinë bankare dhe letërnjoftimin e pronarit të operatorit ekonomik (nëse nuk është i regjistruar në SMIFK - Departamenti i Thesarit-Ministria e Financave).

9. Komuna duhet të ndërmarrë të gjitha masat që projektet të përfundojnë në përputhje me ndarjet buxhetore sipas viteve për projektin e tillë. Pas këtij afati të gjitha obligimet kalojnë në përgjegjësi të Komunës.

10. Komuna është e obliguar të njoftojë MIT-në për rrjedhat e realizimit të projektit sipas një plani dy javor deri në përfundim të projektit.

11. Komuna obligohet të ndërmarrë dhe kryejë çdo lloj shpronësimi të nevojshëm për zbatimin e projekteve përfshirë procedurat dhe kompenzimin në bashkëpunim me Ministrinë e Ambientit dhe Planifikimit Hapësinorë dhe Ministrinë e Financave.

Neni 5

Ndryshimet dhe ndërprerja e Memorandumit të Mirëkuptimit

1. Me pëlqimin paraprak të Ministrit të MIT-së dhe Kryetarit të Komunës, ky Memorandum mund të ndryshohet dhe plotësohet.

2. MIT-ja mbanë të drejtën e ndërprerjes së shfrytëzimit të buxhetit për këtë destinim në rast se konstaton se Komuna nuk i përmbush obligimet e veta të dala nga ky Memorandum.

Neni 6

Zgjidhja e Mosmarrëveshjeve

Palët bien dakord reciprokisht për mënyrën e zgjidhjes së të gjitha çështjeve të pazgjidhura në këtë drejtim.

Neni 7

Numri i Kopjeve

Memorandumi i Mirëkuptimit është nënshkruar në katër (4) kopje origjinale, nga dy (2) kopje për secilën palë nënshkruese.

Neni 8

Pronësia e Projektit

1. Me pranim dorëzimin e punëve të kryera nga operatori ekonomik, pas pranimit teknik të projektit i njëjti do të kalojë në pronësi të Komunës.

2. Ky investim regjistrohet në pronësi të Komunës në mënyrë elektronike dhe fizike në sistemin e pasurisë në Ministrinë e Financave (SMIFK).

Neni 9
Hyrja në fuqi

Palët nënshkruese janë pajtuar që ky Memorandum i Mirëkuptimit të fillon të zbatohet nga dita e nënshkrimit.

Për:

Ministrinë e Infrastrukturës dhe Transportit


Pal LEKAJ
Ministër



Komunën e Suharekës


Bahri MUHARREMAJ
Kryetar

